



## Convict Cuira

### URDEN DA CHASA

- 1. Basa legala:** Il Convict da Cuira è in manaschi da l'Uffizi per la furmaziun media-superiura e sa drizza tenor l'Ordinaziun davart las chasas da dimora da las scolas chantunalas (fanadur 2000).
- 2. Princip:** Nossa finamira è da porscher a las abitantas ed als abitants in alloschi nua ch'els pon sa sviluppar e sa sentan bain. La relaziun tranter las abitantas ed ils abitants duess sa sviluppar uschia che l'atgna responsabladad e la demananza sociala cun las cunabitantas ed ils cunabitants vegnian promovidas. Nus avain quità da las localitads e dal mobigliar che ans vegnan mess a disposiziun.
- 3. Decurs dal di:**

07.00 - 08.30	ensolver (facultativ)
08.30	cumenzar a nettegiar las stanzas
12.00 - 12.30	gentar
17.45 - 18.30	tschaina
22.00	ruaus da la notg
23.00	ruaus da la notg sin la 6avla auzada
- 4. Pasts principals:** La participaziun als pasts è lianta. Absenzas èn d'annunziar il pli baud pussaivel a la Direcziun dal Convict. Sche l'absenza vegn annunziata almain 24 uras ordavant, pon ins empustar in lunch equivalent.
- 5. Canera:** Per tutta di vala, ch'il nivel da canera è da tegnai per resguard a las autras cunabitantas ed als auters cunabitants uschè bass sco pussaivel. A partir da las 22.00 vala il ruaus da notg.
- 6. Sortida:** Las abitantas ed ils abitants maiorens possedan in badge senza limitas pertutgant il returnar da la sortida. Ils auters, che vulan turnar suenter las 21.00, han da dumandar in badge aposta per la sortida. Ad abitantas ed abitants sut 16 onns vegn consegnà in badge da sortida be cun consentiment dals geniturs.  
Il badge è da bittar immediat suenter esser returnada/returnà en la chaschetta prevista sin la terza auzada. Quella/quel che returna s'inscriva en la glista da sortida. Ils badges èn mintgamai consegnads a quella persuna e na dastgan betg vegnir emprastads ad autras persunas u vegnir duvrads per dar access ad in'autra persuna al Convict.
- 7. Pernottaziun** Sch'ins pernottescha ordaifer il Convict, ston ins annunziar quai fin il pli tard las 22.00. Per minorens èsi be pussaivel cun lubientscha dals geniturs.
- 8. Fin d'emna:** Il Convict resta serrà durant las vacanzas da scola e sur la fin d'emna. A chascun da 3-4 occurrenzas da scola per onn, dastgan las abitantas ed ils abitants pernottar da venderdi sin sonda en lur chombras (nagina dunsena). La direcziun dal Convict po permetter ulteriuras pernottaziuns sur las fins d'emna per ina taxa che correspunda a las expensas tenor la glista da pretschs.
- 9. Venderdi:** Il Convict è avert fin las 19.00 (nagina tschaina). Avant che bandunar la chasa èsi da serrar las fanestras (avant las vacanzas era las schalusias), da stidar las glischs ed ils apparats electrics.
- 10. Dumengia:** Las abitantas ed ils abitants s'inscrivan cun lur suttascripziun tranter las 18.30 e las 22.30 en la glista che sa chatta sin la terza auzada. Tgi che na returna betg la dumengia al Convict, annunzia quai a la persuna da surveglianza (tel. 081/257 18 58) fin las 20.00. Tgi che manca, vegn tschertgà; l'emprim vegn empruvà da contactar la persuna sur il telefonin dal giuvenil. Sche quai na gartegia betg, vegnan infurmads ils geniturs telefonicamain.

11. *Malsogna:* Tgi che sa senta malsaun, s'annunzia immediat tar il persunal. Da notg en cas d'urgenza telefonar al numer intern 58.
12. *Fimar:* Cun excepziun da la zona marcada da la terrassa ed il fumoier (6avla auzada), èsi scumandà da fimar en tut il Convict. Giuvenils sut 16 onns pon be fimar cun il consentiment dals geniturs.
13. *Alcohol/drogas:* Igl è scumandà da conservar e da consumar alcohol e drogas sin l'entir areal dal Convict.
14. *Visitadras e visitaders:* Visitadras e visitaders èn bainvegnids en il Convict tranter las 09.00 e las 21.00. Las abitantas ed ils abitants èn responsabels per il cumportament da lur visitadras e visitaders. Per pernottaziuns ston ins en mintga cas s'accordar cun la direcziun dal Convict e ston er esser lubidas da quella. Tut tenor vegliadetgna (abitanta ed abitant/ visitadra e visitader) èsi era necessari il consentiment dals geniturs.
15. *Vechichels:* Velos e motorins pon ins staziunar en la susta u cunter pajar ina taxa en il tschaler. Avant las vacanzas da stad ston ins rumir la susta. Per motos pli gronds ed autos na stattan betg a disposiziun ulteriurs plazz.
16. *Mobigliar:* Sch'ins vul purtar mobiglias privatas ed apparats electrici pli gronds, ston ins sa convenir cun la direcziun dal Convict.
17. *Donns:* Tgi che chaschuna donns materials, perda il badge u clavs, sto pajar ils custs che resultan per reparaturas u restituziuns.
18. *Uteriuras determinaziuns:* En il fegl agiuntà „Zur Organisation des Konviktbetriebes“ po la direcziun dal Convict relaschar ulteriuras determinaziuns per adattar l'Urden da chasa als basegns ed a las structuradas che sa midan. In'ulteriura part integrala da l'Urden da chasa è la glista da pretschs.
19. *Consequenzas:* En cas da cuntravenziuns cunter l'Urden da chasa sco era cunter las directivas dal persunal, po la direcziun dal Convict prender mesiras adequatas. Latiers tutgan: spustament en ina chombra da reserva, admoniziun en scrit, discurs cun ils geniturs e/u la direcziun da scola, clamar per lavurs da nettegiar, dumonda al Departament per l'exclusiun dal Convict.

Quest Urden da chasa entra en vigur per il cumenzament da l'onn da scola 2002/2003 e remplazza l'Urden da chasa dals 25 d'avrigl 2000.

Cuira, avust 2013

Convict Cuira

Oliver Wirz Direcziun dal sector d'abitar

Martin Michel  
Direcziun manaschi d'abitar e da dunsena da l'Uffizi  
per la furmaziun media-superiura UFMS

.....

Abitanta/abitant: .....

Geniturs: .....

Lieu e data: .....